

甲子三月十五日
產寶

世間產後因虛致病變症百出倉皇醫藥
酌劑最難古今名家分門別類而不纂集
專書者良由知其非易以恐執泥者之貿然
輕試也各省流傳大生要旨六字真言固爲
要領而方前無卓識稟賦素厚者服之無害
稍涉偏倚必致諸病叢生惟浦江倪氏產寶
頗有見地又復於氣血之論誠爲快耳鍼砭
余因取出書閱之惜鄉曲少見亟仰手民鑒
印異庶厥傳後商之精於醫者以篇中未

備而經驗有效諸方附載於後誠以帶下科左
難共鑑況今之率尔從事者乎庸工誤人母
子俱受其害保赤者務尋案法其失其差之務此
亦吾人刊集力書之責也夫

光緒甲午七月北平周啓運識

產寶目錄

產後總論

生化湯

胞衣不下

塊痛

血崩血暈

生化奪命湯

滋榮益氣湯

延胡索散

手足厥冷

生脈散

類傷寒

生化湯量加法
養正通幽湯

類中風

滋榮活絡湯

類瘧

人參養胃湯
參朮膏

妄言妄見

生化安神湯
生化補元湯

氣短

生化益氣湯

發喘

咳嗽

自汗

調胃參芪湯

盜汗

牡蠣散

大便不通

小便不通

益氣生脈湯

嘔吐不納穀

安胃行血湯
加減六和湯
補中調胃湯

傷食

膨脹

養生化滯湯

泄瀉

訶皮生化湯
參苓生化湯
加味生化湯

痢疾

香連生化湯

煩悶

產後調護法

產寶

產後總論

凡病皆起於氣血之衰。脾胃之弱。而產後爲尤甚。是以丹溪論產必當大補氣血爲先。雖有他症。以末治之。此言已盡醫產大旨。若能擴充立方。則治產思過半矣。夫產後症變百出。不可以常病之藥一概論治。如有氣勿專疎散。有食勿專消導。熱不可妄用芩連。

寒不可多用桂附。至若虛中外感。見三陽表症之多。似可汗也。在產後而用麻黃。則重竭其陽。見三陰裏症之多。似可下也。在產後而用承氣。則重亡其陰耳。聾脇痛。乃腎虛惡露之停。休用柴胡。讖語汗出。乃元弱似邪之症。毋同胃實厥由陽氣之衰。難分寒熱。非大補不能回陽而起弱。瘕由陰血之虧。毋論剛柔。非滋榮不能舒筋而活絡。又如乍寒乍熱。發作有期。症類瘧也。若以瘧治。遷延難愈。神不守舍。言語無倫。病似邪也。若同邪論。危筋可虞。去血多而大便燥結。菴

蓉加於生化。非潤腸承氣之能通患。汗多而小便短。澀生脈。倍用參芪。必生津助液之可利。加參生化頻服。救產後之危。六和調胃並行。甦絕穀之厄。預產脫肛。多是氣虛下陷。宜補中益氣之方。拳攣口噤。乃是血燥類風。當加參生化之劑。產戶入風而痛甚。宜服羌活養榮湯。玉門傷冷而不閉。洗用茱硫合蛇兔。吳黃硫黃蛇床子兔絲子各五錢煎湯熏洗。怔忡驚悸。生化加以遠志。似邪恍惚安神。佐以歸脾。因氣而滿悶。虛煩。生化加木香爲佐。因食而噯酸惡食。六君加神麴爲良。蘇木稜蓬。

最能破血。用之必殆。青皮枳實大能耗氣。服之非宜。凡一應破血耗氣之品。汗吐宣下之劑。只可施於少壯。豈宜用於產危。大抵生產之後。先問惡露如何。塊痛未除。不可遽加參朮。腹中痛止。補中益氣爲良。至若亡陽脫汗。氣虛喘促。頻灌生化。加參是從權也。亡陰大熱血崩昏厥。速煎生化原方。乃救急也。凡此治法。先爲提綱。庶使開卷了然。不至茫無頭緒。則未必無小補云。

生化湯

川芎

壹錢貳分

當歸

五錢

乾薑

炙黑五分

甘草

炙參分

桃仁

去皮尖研拾壹粒

右藥用水壹盞陳酒半盞煎作壹盞稍熱服

生化者。因藥性功用而立名也。夫產後。宿血當消。新血當生。若專消。則新血不生。專生。則宿血反滯。考諸藥性。川芎當歸。桃仁。三品善治。宿血專生新血。佐以黑薑。甘草。引三品入於肝脾。生血理氣。莫善於此。所謂行中有補。化中有生。實產後聖藥也。凡懷孕至八九月。預備二三劑。至胞衣破時。速煎一劑。俟兒分身。

卽速服之。不問正產半產。雖少壯產婦。平安無恙者。亦宜服二三劑。則惡自消而新自生。第須初產一二時辰之內。未進飲食之先。相繼煎服。以惡露在下焦。故服多而頻。使惡易化而新易生。庶免血暈之患。若胎前素弱。及產後勞倦。又當多服二劑。以防昏倦。若照常。每日一服。豈能救將危絕之氣血乎。至虛人見危症。及熱疾墮胎。或勞甚。身熱頭痛。服藥四五劑。雖覺稍安。塊痛未除。仍當服之。

胞衣不下

有由產母纔送兒出無力送衣者有歷時既久或乘
冷氣則血道凝澀而衣不下者有胎前素弱至血枯
而衣停者凡此當急進生化湯一二劑兼服益母膏
次服鹿角灰則血旺腹和而衣自下世每以濟坤丹
又名回生丹專攻血塊落胞胎雖見速效而其元氣
未免受傷慎之慎之製益母膏法端午後小暑前取
鮮益母草用銅鍋熬膏貯羹瓶

丙勿令泄氣臨用以
生化湯調服神效

凡兒下而衣不下產婦不可睡倒必須先斷臍帶用
草鞋墜之如寒月扶產婦至床倚人坐蓋被以火籠

置被中。再以綿衣烘熱。替換煖腹。胞下後。防虛必須連服生化湯二三劑。不可厭藥之煩。自有大效。

塊痛

產後腹有血塊。是胎前餘血之所積也。夫婦人以經脈爲主。二七而天癸至。三旬一見。以象月盈則虧。行之有常。名之曰經。有孕則經不行。其餘血注於胞中。以護元。一月曰始胚。二月曰始膏。三月成形而名胎。方受母血之蔭。胎形尙小。食母血故有畱餘。併前兩月之血積於胞中。久而成塊。至產時隨兒當下。亦有

因產婦送兒勞倦。調護欠溫。以致塊痛不散者。慎勿輕用攻血峻藥。宜飲薑艾酒。多服生化湯。加以熱衣煖腹。自然漸散。俗師有用紅花生地以行之。蘇木牛膝以攻之。鮮有不至危亡者。

小腹有塊作痛。名曰兒枕。世多專先消散。然後議補。或消補兼施。更爲夾雜。殊不知舊血須當消化。新血尤當滋生。若專主攻舊。新亦不能生矣。產後血氣暴虛。理當大補。當惡露未淨。用補須知無滯。血攻塊不致損元氣。行中兼補。方是萬全。世以四